

潯陽賦卷六

樵菴文行遠輯

災祥

漢武二十四年九江虎傷人飛蝗徧野宋均為守虎
北渡蝗悉出境

建興九年十月江陽至江州有鳥從江南飛渡江北
不能達墮水死者以千計

溢口城漢高祖六年灌嬰所築建安中孫權經住此
城自標作井地遂得故井井中有銘石云漢六年
頽陰侯開此井卜云三百年當塞塞後不度百年

當為應運者所開權見銘欣悅以為已瑞人咸異

之張僧鑒
潯陽記

蔣琬稱說符瑞內列柴桑縣送竹有來奉天子字

東晉成帝時劉喬鎮守潯陽有迴風從東來入喬船

中狀如匹練長五六丈術人戴洋曰有刀兵死喪

之亂頃為郭默所殺廣志人
五行記

成帝咸和四年十月柴桑廬山西北崖崩十二月劉

胤為郭默所殺以上出宋
書五行志

庾翼鎮江州如廁見一物頭如方相兩眼大有光翼

擊之入地因而病卒

桓玄篡謀甚亟謂代謝之際宜有禎祥乃使江州詐

云甘露降百成基家竹上

孝武帝大元六年六月江州大水

孝武帝大元十一年八月乙酉白鳥集江州寺庭羣

鳥翔衛

孝武帝大元十六年五月飛蝗從南來集堂邑縣界

害苗稼是年春發江州兵營甲士三千人家口六

七千配護軍及東宮後尋散亡殆盡入邊將連有

征役故有斯孽

安帝元興三年江州界竹生實麥

安帝五年潯陽地震

元興二年江州竹結實如麥

義熙五年正月戊戌夜潯陽地震有聲如雷明年盧循下

晉末江州人百餘歲頂上生角忽入舍前江中化爲

鯉魚

廣五行記

宋文帝元嘉十七年十月潯陽弘農祐幾湖芙蓉連理臨川王義慶以聞

元嘉二十四年四月癸未甘露降潯陽松滋丙申又降江州城內桐樹丁酉又降城北數里之中江州

刺史廬陵王紹以聞

元嘉二十八年七月癸卯潯陽柴桑菽粟旅生瀟漫

原野江州刺史建平王宏以聞

以上出次祥志

元嘉中高平檀道濟鎮潯陽十二年入朝與家分別

顧瞻城闕歔歔逾深識者是知道濟之不南旋也

故時人爲其

一作之字

歌曰生人作死別荼毒當柰何

濟將發舟所養孔雀來啣其衣驅去復來如此數

焉以十三年三月又伏誅道濟未下少時有人施

罟於柴桑江收之得大船孔鑿若新使匠作舩

勿加斲斧工人誤截兩頭檀以爲不祥殺巧手欲

僞言與愆同漢劉輔傳
元首無失道之僞

異苑

以塞僞匠違約加斲凶兆先構矣

季武大明元年四月戊申白雀見潯陽

大明五年五月癸未白雀二見潯陽江州刺史桂陽

王休範以獻

明帝初晉安王子勛稱僞號於潯陽柴桑有狗與女人交三日不分離

前廢帝景和元年鄧腕在潯陽種柴花皆白白青也
後廢帝元徽五年四月巳巳白雀二見潯陽柴桑江州刺史卻陵王友以獻

昇明三年世祖遣人詣宮亭湖廟還福船泊渚有白

魚雙躍入船

世祖治盆城得五尺刀一十口永明年曆之數

世祖治盆城得一大錢文曰太平百歲以上世祖祥瑞志

永明八年十二月柴桑縣陶委天家樹連理

南齊武帝初仕宋為贛令江州刺史王子勛反上率

部曲百餘人起義避難揭陽山有白雀來集闕山

中有清聲傳漏響又于山巖石為佛圖其側忽生

一樹狀若華蓋青翠扶疎有殊羣木上將討戴凱

之大饗士卒是日大熱上各令折荆枝自蔽言未

終而有雲垂蔭正當會所會罷乃散

鄒步傳曰鄒又責也王制
鄒罰麗於事又其尤同過
也漢成帝詔以顯朕鄒又
最也列子魯之君子迷之
鄒者

梁武帝天監二年六月太末信安安豐三縣大水春
秋考異鄒曰陰盛臣逆人悲則水出河決時江州
刺史陳伯之益州刺史劉季連舉兵反判師旅數
與百姓愁怨臣逆人悲之應也

太清七年九江大饑人相食

陳天嘉五年正月乙酉江州益城火燒死者二百餘
人

唐開元二十七年江州水

廣德二年江州江溢

大曆七年二月江州江溢

元和九年大水害稼

李唐時潯陽山麓有石如虎與天花井獅子巖對峙
名虎山相傳虎石夜出竊食人壻中雞因相率鑿
其頤害遂寢

宋建隆二年湖口沙州忽圓明年壬戌邑人馬適以
狀元及第

淳化元年六月江州水溢二丈八尺

景德四年瑞昌縣民李讓家筍竹一本去地五尺許
分爲二莖知縣范應辰以聞

景德間江州廬山崇聖院生芝九本知州王文震以

獻

祥符四年七月江州江漲害民田壞州城

紹興四年江州水

紹興初朱勝非出守江州過梁山龍入其舟長纜數寸赤背綠腹白尾黑爪甲有聲日有光

紹興二十五年六月湖口縣有赤龍橫水中如山風

濤大作寒風肅然覆舟無數士卒溺死甚衆

紹興二十七年江州大水

乾道七年江州旱首種不入冬不雨

淳熙二年江州馬當山羣狐掠人

淳熙七年江州大旱

淳熙八年春江州饑人採葛而食詔罷守臣章騭秋

江州螟

淳熙十四年秋江州興國軍螟

淳熙十四年廬山縣民白閏牛生二犢

以上出宋史

慶元元年五月二十四日江州大雨五晝夜江流暴

溢雞犬畜產悉皆漂蕩

嘉定七年正月庚辰江州燈夕黑雲暴風暮作郡治遊人相踐死者二十餘人

元大德十年正月湖口縣民方丙妻甘氏一產四男

至大二年江州水比饑詔發賑

仁宗元年江州路水發廩賑之

英宗元年夏四月江州霖雨

大定二年二月江州饑

文宗二年江州諸縣饑總管王大中貸富粟以賑貧
民而免富雜徭以爲息約年豐還之是歲也饑而
不害

元統二年江州饑

明正統十四年湖口上鐘山裂

成化元年六月暴風郡城屋瓦皆飛

成化二年小孤北岸崩三里餘壞民居數百

成化十六年湖口上鐘山崩

弘治元年廬山芝草盛生有一本十餘莖者

弘治四年六月雹

大如雞子

弘治十五年虎入市廬山麓東林至圓通傷百餘人

弘治十七年六月廬山有聲隆隆三日夜旋復烈風

雷電雨如注蛟龍迸起平地水高丈餘山崩數十

處

正德七年十一月德安地震有聲

正德八年冬湖口彭澤水合可通人行

正德十四年春地震府城黑氣晝罩經月不散是歲
六月十八宸濠攻陷九江

正德十五年九月恠風夜作龍開河官牌夾下至銅
錢琵琶兒女諸港泊舟破壞客商溺死無算

嘉靖元年大水九月德安地震有聲如雷

嘉靖五年赤氣橫境是歲旱井泉皆涸五月十五德
化虎入市

嘉靖二十年四月德安雨雹大風拔木

嘉靖二十三年夏四月至秋九月不雨次年人民饑
死七月大雨雹

嘉靖三十年春廬山南北虎羣行破山下有獸類虎
而喙尖削長毛被體如鬣蓋彪也二日而食十七
人

隆慶五年十月夜半天鼓三鳴

萬曆十二年彭澤場毛洲地出火焚烈有聲以薪投
之即炎七日夜乃滅

萬曆十六年大旱十七十八二年大饑知縣謝廷訓
截船糴穀賑之

萬曆四十一年大水江北堤破

萬曆四十三年羣鼠渡江而南食稼是歲廬山東林

寺白蓮復生

萬曆四十七年德化馬回嶺木生連理湖口曹文鯨

一妻十二男

天啓元年大雪四十日山獸多餓死

天啓三年五月大雨雹六月朔瑞昌華嶺山崩

天啓六年鄉民邵本進妻趙氏一產三男

崇禎元年十月十八江湖池沼魚皆凍死

崇禎四年七月十八夜地震八月二十七日大風拔

木毀垣墻九月十六日天鼓鳴十月十六夜地震

崇禎七年三月地震

崇禎九年旱

崇禎十年十月朔日食二時雞犬奔吠舉國若狂

崇禎十三年旱民大饑知縣李正春發賑

崇禎十六年流賊破斬黃浮屍蔽江水爲之不流

崇禎十七年甲申異鳥飛集九江林麓徧覆犬如鯨

鵝通體皆白次年四月立亭南屠九江

清順治元年廬山火燬生九本

順治三年大旱米價石值六金人民死者無算

順治四年德化赤松鄉鶴栖橋趙如一墓松生連理

趙余姑夫也余姑失如一纔年二十四耳撫過歲

遺孤廬墓督耕日夜號泣墓上遂感連理之異余
曾爲賦蒼松連理歌曰赤湖嶺畔松陰森下盤幽
窈浮青熒古柯如鐵如焦石霜皮錯落層鱗鱗橫
撐側攫勢虬結百數十株相對列風號短鬣落蒼
烟老鶴夜啼口流血大者惟喬氣干雲衆松拱立
如兒孫中有雙株各枝幹忽變連理如溪藤連理
異瑞傍誰宅趙墓孀嫗向鳴咽環今老矣余大姑
苦節淒清難具說憶昔江南檄造船長吏誅求到
墓田驚聞日夜泣不絕忽引哀聲澈九泉百計幸
留連理在鄰里籲天子孫拜於今重述事傷心且

暮松風動慷慨

順治六年正月十一晝晦如夜

順治九年三月夜地震有聲夏旱

順治十二年湖口鄉民李茂華妻謝氏一產三男

順治十八年六月十八九江西門外灾燬民屋九百
三十六家傷男婦數百人時值江漲因避火而溺
於水者數百人客寓死無姓名者無算

康熙元年大旱

康熙二年大水江北堤破

康熙七年六月十六日地震有聲壞墻屋七月七日

廬山蛟龍徧起漂沒僧俗近百人壞民舍僧寺衝
田畝人屍暴露卽蛟魚橫死亦無算十月二十夜
星流東北有聲光芒閃爍如炬

康熙八年旱知府陳謙請蠲是歲羣虎食人

康熙十年大旱五月至十一月不雨道殣相望民鬻
子女者無算流亡者十之七知府江殷道五邑設
粥廠全活數十萬人藩司劉捷疏請發帑金來賑

康熙十四年冬虎晝入城夜攫豕踰東門城去

康熙十五年有人夜半自廬山御碑亭望江上由武
水下至八里江火光黓黯一二百里望之慘目

其徒感切醜上声又探去声不明

康熙十五年九月瑞昌庠生孫之蕙妻文氏一產三
男

康熙十五年六月景星湖夜半放光數十炷每一光
起漸漸瑩映如透靈冰玉高至六七尺乃散粵東
李十潭先生宿烟水亭目擊爲余言之

其照

潯陽踈醢卷六

妖異

漢書文行遠

漢樂巴蜀成都人也少好道不修俗事舉孝廉除郎中遷豫章太守廬山廟有神能于帳中共外人語飲酒空中投盃人往乞福能使江湖之中分風舉帆船行相達巴至郡往廟中便失神所在巴曰廟鬼詐為天官損百姓日久罪當治之以事付功曹巴自行捕捉若不時討恐其後遊行天下所在血食枉害良民責以重罰乃下所在推問山林社稷

求鬼蹤跡此鬼於是走至齊郡化為書生善談五
經太守卽以女娶之妻巴知其所在上表請解郡守
往捕其鬼巴到詣太守曰聞君有賢壻願見之鬼
已知巴來托疾不出巴謂太守曰令壻非人也是
老鬼詐爲廟祇今走至此故來取之太守召之不
出巴曰出之甚易請太守筆巴奏案乃作符符成
長嘯空中忽有人將符去亦不是人形一座皆驚
符至書生向婦泣曰去必死矣須臾書生自攜符
來至庭見巴不敢前巴叱曰老鬼何不復爾形應
響卽變爲一狸叩頭乞活巴救殺之瞥見空中刀

下狸頭墜於地太守女已生一兒復化爲狸亦殺
之巴去還豫章青鏡
高議

魏時潯陽縣北山中蠻人有術能使人化化虎毛色
爪牙悉如真虎鄉人周珍有一奴使入山伐薪奴
有婦及妹亦與俱行既至山奴語二人云汝且上
高樹去我欲有所爲如其言既而入草須臾一大
黃斑虎從草出奮起吼嘯甚爲可畏二人大怖良
久還草中少時後還爲人語二人歸家慎勿道後
遂向等輩說之周尋復知乃以醕酒飲之令熟醉
使人解其衣服及身體事事詳視了無異唯于髻

裝中有一紙畫作虎虎邊有符周密取錄之叙既
喚曰之見事已露遂具說本末云先嘗于中
告稱有一蠻師云有此符以三尺布一斗米一雙
雞一斗酒受得此法

冥祥記

壽陽城東門通大橋常有蛟爲百姓害董奉疏符沈
水中少日見一蛟死浮出

壽陽縣志

顧保宗字世嗣江夏人也每釣魚江中嘗夏夜於草
堂臨月未卧忽有一人鬚髮皓然自稱爲翁有如
漁父直至堂下乃揖保宗便箕踞而坐唯哭而已
保宗曰翁何至不語良久謂保宗曰陸行甚困言

不得速保宗曰翁適何至今何往荅曰來自江州
後歸江夏言訖又哭保宗曰翁非異人乎荅曰我
實非人以君閒退故相話保宗曰野人漁釣用釋
勞生何閒退之有荅曰世方兵亂閒退何辭保宗
曰今世清平亂當何有荅曰君不見桓立之志也
保宗因問若是有兵可言歲月吾翁曰今不是隆
安五年耶保宗曰是又屈指復哭謂宗曰後年易
號復一歲桓立盜國盜國未幾爲卯金所敗保宗
曰卯金爲誰荅曰君當後識耳言罷復謂保宗曰
不及二十稔當見大命變革保宗曰翁遠至何所

食蒼曰請君嘗食保宗因命筆記之翁食訖謂保宗曰今夕奉使須向前江來日平旦幸願觀之又曰百里之中獨我偏異故驗災祥我等是也保宗曰未審此言何以驗之蒼曰兵甲之光也言訖乃出保宗送之於戶外乃訣去及曉保宗遂臨江觀之聞水風漸急魚皆出浪極目不知其數觀者相傳首尾百餘里其中有大白魚長百餘丈驥首四望移時乃沒是歲隆安五年六月十六日也保宗大異之後二歲改隆安七年爲元興元興二年十一月壬午桓玄果篡位三年二月建武將軍劉裕

起義兵滅桓玄復晉安帝位後十七年劉裕晉禪受一如魚之所言

九江記

晉周昉少時與商人泝江俱行夕止宮亭廟下同侶相語誰能入廟中宿昉性膽果決因上廟宿竟夕晏然晨起廟中見有白頭老翁昉遂擒之化爲雄鳴昉捉還船欲烹之因而飛去後竟無他

述異記

晉末江州人年百餘歲頂上生角後因入舍前江中變爲鯉魚角尚存首自後時時暫還容狀如平生與子孫飲數日輒去晉末已來絕不復見

廣古今五行記

宋程德度武昌人父道惠廣州刺史度爲衛軍臨川

王行參軍時在潯陽屋有燕巢夜見屋裡忽然自明有一小兒從窠而出長可尺餘潔靜分明至度牀前曰君却後二年當得長生之道儵然而滅德度甚秘異之元嘉十七年隨王鎮廣陵遇禪師釋道恭因就學禪甚有解分到十九年春其家武昌空齋忽有殊香芬馥達於衢路闔境往觀三日乃

歇

冥祥記

齊王奐自建業將之渚宮至江州泊舟於岸夜深風生月瑩忽聞前洲上有十餘人喧噪皆女子之音奐異之謂諸人曰江渚豈有是人也乃獨掉小舟

取葭蘆之陰循洲北岸而於藜蒿中見十餘女子或衣綠或衣青碧半坐半立坐者一女子泣而言曰我始與姊妹同居陰宅長在江漢不意諸娘盡爲上峽小兒所娶乃至分離立者一女子嘆曰潮水有迴而我此去應無返日言未竟北風微起立者曰潮至矣可以還家奐急從蘆蒿中出捕悉化爲龜入水而去

九江記

梁承聖二年二月十日司徒府主簿柳萇卒子褒葬於九江三年因大雨塚壞移葬換棺見父棺中目開心有暖氣良久乃謂褒曰我生已一歲無因令

汝知九江神知我橫死遺地神以乳飼我故不死
今雨壞我塚亦江神之所爲也扶出更生三十年

卒

窮神
秘苑

廬山中有一澗名落星潭多漁釣者後唐長興中
有釣者得一物頗覺難引迤邐至岸見一物如人
狀戴鐵冠積歲莓苔裹之意其木則太重意其石
則太輕漁者置之潭側後數日其物上有泥澤莓
苔爲風日所剝落又經雨淋洗忽見兩目俱開則
人也歛然而起就潭水盥手齧面衆漁者驚異共
觀之其人卽語漁者本處土地山川之名及朝代

年月甚祥審問訖却入水帝寂無聲迹然竟無一
人問彼所從來者南中吏民神異之爲建祠壇于

潭上

玉堂
間記

江南內臣朱廷禹言其親自江西如廣陵携一十歲
兒行至馬當泊登岸晚望及還船失其兒徧尋之
得于茂林中已知痴矣翌日乃能言云爲人召去
有所教我乃吹指長嘯有山禽數十百隻應聲而
至毛彩恠異人莫能識自爾東下時時吹嘯衆禽
必至至白沙不敢復入博訪醫巫治之久乃愈稽仲

錄

宋慶元元年五月二十四日九江大雨五晝夜江流
暴溢雞犬畜產悉皆漂蕩有賣果小民黃二正在
德化縣村田間遇鷲獸緣道而來遽升高木避之
別有婦人攜兩小兒過其傍遊戲自若獸亦不動
黃恐怖下視甚異之忽有官軍十餘人鳴鉦鼓且
至乃持叉矛來欲驅逐者獸方始去度水而西黃
乃救下地到城門外婦人已先在彼值鬻米粽者
取錢買十枚飼兩小兒挾之而走其行甚疾兩目
眈然殊可憎惡牽裾涉川如履平地後不知所往
疑爲虎精如所書陽臺者是也

和陽民黃一受庸於鹽商爲操舟往淮南還至大湖
山乘順風張帆捷疾如飛當白晝與同輩十許人
坐立舷外中一人反顧見空舟甚大亦有十許人
主持銜軸而進慮其或相撞觸衆呼之同聲叫後
使引避惟黃一杳無所視方與衆爭辯且詆其姦
轉盼間鹽舟平沈旋即覆翻所載悉淪洪濤人盡
溺死舟忽躍起黃隨而騰出遂得免乃知向之值
遇盖鬼神之作崇者云慶元三年三月也

廬山李商老因修造犯土舉家無問男女長少皆病
腫求醫不効乃掃室宇令家人各齋心焚香誦熾

盛光呪以禳所忤未滿七日商老夜夢白衣老翁騎牛在其家地忽陷旋没入明日病者盡愈始知此翁蓋作祟者疑爲土宿中小神云

季次仲自云嘗遇姚平仲於廬山授其人段錦之術

揮塵後錄

潯陽曇椿世居長沙宅有古井每夜輒聞有如炮竹

聲相承謂之龍吒

異苑

近有漁人泊舟馬當山下月明風恬見一大鼉出水直上山頂引首四望頃之江水中湧出一彩舟有十餘人會飲酒妓樂陳設甚盛獻酬久之上流有

巨艦來下櫓聲震于坐中彩舟乃沒前之鼉亦未及水忽死于岸側意者水神使此鼉爲候壘而不知巨艦之來故殛之

稽神錄

陸社兒者江夏民常種稻于江際夜歸路逢一女子甚有容質謂社兒曰我昨日縣前來今欲歸浦里願投君宿然辭色甚有憂容社兒不得已同歸閉室共寢未幾便聞暴風震雷明照社兒但覺此女驚惶制之不止須臾雷震卽在簾前社兒寢室有物突開乘電光見一大毛手挈此女去社兒仰地絕而復蘇及明鄰里異而問之社兒告以女子投

宿之事少頃鄉人有渡江來者云此去九里有大蛟龍無首長百餘丈血流注地盤泊數畝有千萬禽鳥臨而噪之也

九江記

